

Cunghbingz Cunh: “Guengjsae Aenmbanj Ndaem Gocoeng Ceiq Lai” Eu Fwen Siujgangh Haprwenz

中平村：“广西香葱第一村”高唱小康曲

□ Cinz Cwngz ingj



▲ Doenghrehcoeng daiq fouqmiz hawj vunzmbanj.

▲ Mbanj moq dajcang gyaeunde.

▲ Aenmbanj fouqmiz yiengh gyaeunde.



▲ Raemhfaex goemq ranz moq.



▲ Vunzmbanj banh saeh mbouj ok mbanj.



▲ Gomak najranz dawzmak nuengjrumx.



▲ Aen bouqcauhsi ndaw mbanj doxgaiq lai.

Denzdungh Yen Siengzcouh Cin Cunghbingz Cunh doengh bi neix daeuj haenqrengz cauxguh lajmbanj moq seveicujyi daegsaek yienhda, ciuq ndaw cunh saedcaeq bae guh, baenz benq baenz doengh ndaemganq gocoeng, ietnangq daiqdoengh Bwz-du、Siengzcouh、Sibingz doenghgi cunh henzgyawj neix ndaemganq gocoeng 1.2 fanh moux, bingzyaenz moix ngoenz sou coeng gai 20 fanh dun, gai daengz daengx guk gak dieg, guhbaenz yiengh ginghci gocoeng “cunh ndeu cungj ndeu” daegsaek yienhda haenx, vunzmbanj souhaeuj ndaej demlai, saedcej bi beij bi ndei. Baenzneix gonqlaeng aeundaer daengx guk cunh guhyiengh “cunh ndeu cungj ndeu”、Guengjsae aenmbanj ndaem gocoeng ceiq lai、daengx guk aenmbanj guhyiengh minzcuji fazci doenghgi mingzdaeuz ndei neix.

Cunghbingz Cunh dieg youq hamq baihnanz rangh Dahyougyangh, gungh miz 8 aen mbanj sengcingz 21 aen cunhminz siujcuj, gungh miz 750 ranz 3300 lai vunz. Bi 2004 ndaw mbanj hainduj yinxhaeuj gocoeng seiggeiq Guengjdoeng, riengzlaeng ndaemganq bi beij bi lai. Vih hawj hongsaeh ndaemganq gocoeng mingzdaeuz ndei souhaeuj lai, aen cunh neix laebbaenz le gocoeng nungzminz ciennieb hozcozse, cucwz le gocoeng binjbaiz sanghbyauh, doiq hong ndaemganq gocoeng saedhengz doengjit dajveh、doengjit cehfaen、doengjit gisuz、doengjit binjbaiz、doengjit siugai, hawj gij gocoeng ndaw cunh ok haw gai ndaej bieng gai ndaej ngaenz, hawj hong ndaemganq gocoeng engq hoengh, geij bi gvaqbae daengx cunh ndaem gocoeng dabdaengz 5000 lai moux, moix ngoenz ndaej gai

gocoeng 20 dun doxhwnj, gai daengz Baekging、Sanghaij、Gvangjcouh、Vujhan doenghgi hawsingz hung neix. Dan gai gocoeng hangh neix daengx cunh vunzmbanj moix bi moix vunz bingzyaenz cinghsouhaeuj mauhvaq fanh maenz, bi 2012 couh dabdaengz le 12158 maenz, ndaej baenz Denzdungh Yen aen mbanj ceiq fouq ndeu.

Seizneix, Cunghbingz Cunh ranzranz cungj guh le ranzlaeuz moq, guh miz diengzhaex biucinj, vunzmbanj gangj veiswng, gagrox youq najranz laengranz ndaem gova gomak, hawj ndaw mbanj heuswd gyaeunde; ndaw mbanj laeb miz nyapnyaj ngoenznaengz camhbeujdaeh, cingj 4 boux vunzmbanj beuj nyapnyaj; ndaw mbanj lij vatcaep le 2 aen daemz caeng raemxuq guh daihsaw, raemxuq ngoenznaengz daihsaw bae 91% doxhwnj, yiengh mbanj caezcingj cinghseuq; ndaw mbanj doxgaiq giekdae caezcienz, gak aen mbanj luengqhongh aeu suijniz bu, ranzranz ndaej yungh swlaizsuij; hangzhaw dajgai、bouqcauhsi、ranz yawjsaw、ranzyawjbingh、ranzbaijcuengq、daizheiq、lanzgiuzcangz doenghgi goenggungh doxgaiq neix miz caez; ndaw

mbanj laeb miz “saeh lajmbanj ndaw mbanj banh” fuzvucan, vunzmbanj mbouj yungh ok mbanj couh ndaej cwngcau ndaw mbanj banh、boujdiep ndaw mbanj lingx、nungzsw h ndaw mbanj cawx、gisuz ndaw mbanj hag、saengsik ndaw mbanj cam、bingh mbaeu ndaw mbanj yw、doxidaw ndaw mbanj cek; bingzseiz vwnz dij hozdung guh ndaej hoengh, heiqgoengsaer riuzmingz gij mbanj gij yanghcin henzgyawj.

Ranzlaeuz moqsup yiengh gingj gyaeunde, caemh yinx hekyouz hauej mbanj daejniemh saedcej angqyangz lajmbanj, geij bi neix daeuj Cunghbingz Cunh bienqbaenz le dieg gyaeunde nungzyez yawjgingj ndeu, Yizliengz Hangzyin Suhniuj Gunghcwngz guhsat caeng raemx le, najdah Dahyougyangh hopngomx gij mbanj Cunghbingz Cunh haenx bienq gvangq hauilai, couh lumj aen huz hung ngaegoz ndeu nei; gij reih gocoeng henz hamqda hawg’vet camca、nda miz gij gyongjraemx gag byoq dwkraemx haenx, baenz fog baenz benq heuswdswd, heiqhom biumbin, gyoebbaenz fuk dozveh yiengh gingj doenghnaz gyaeunde ndeu, yinxvunz raixcaix.



▲ Ndaw mbanj cingj gisuzyenz daengz ndaw reih son ndaem coeng.



▲ Vunzmbanj angqyangz sou gocoeng gai.